

কথকতার টুকটাকি

যে কোনো কাজের ক্ষেত্রে জন্মে ওঠে নানা তথ্য, টুকরো খবর। প্রবন্ধ বা নিবন্ধের গতের মধ্যে সে সব তথ্য ও খবরকে রাখা সম্ভব হবে না। এলোমেলো থাকার মধ্যেই ধরা পড়ে খবরগুলির তাৎপর্য। কথকতাকে নিয়ে আমাদের অনুসন্ধানক্ষেত্রে এইরকম কিছু খবর সংগৃহীত হয়েছে। খবরগুলি বিক্ষিপ্ত তাই সাজানো মুশকিল। কিন্তু তথ্যগুলি এমন কিছু আনাচ-কানাচের খবর দেয়, যা ধারাবাহিক আখ্যানের ছকে পড়ে না।

কথকতার স্বর্ণময় যুগে বাংলার দুই সাহিত্যিক কথকতা সম্পর্কে কীভাবে তাঁদের মত প্রকাশ করেছেন, তার নমুনা আমরা প্রথমে হাজির করেছি। প্রশংসা আছে, ঠাট্টাও আছে, প্রতিক্রিয়া অবিশিষ্ট নয়।

পেশার তাগিদে কথক ঘুরে বেড়ান, নিজের আয়-ব্যয় ও বাড়ির চিন্তা তাঁকে করতে হয়। ভবঘুরে হরিহরের কথাতো আর আমরা ভুলতে পারি না। হিসাবের খাতার দুটি পাতায় ধরা পড়েছে উনিশ শতকের গোড়ার দিকের এক কথকের দৈনন্দিন খাই-খরচ। ভালো কথক যেমন গান বাঁধতে পারেন, তেমনই ভালো চুণী বা সাট তৈরি করতেও পারেন। কোনো বিশেষ কিছুর জন্য গোছানো লেখাকে বলে চুণী, তা বিবৃতিধর্মী, বর্ণনামূলক। অনুপ্রাসের আড়ম্বর এইসব বর্ণনায় দেখা যায়। শব্দের ঝঙ্কার সৃষ্টি করা চুণীকের অস্বতন্ত্র উদ্দেশ্য। চুণীগুলি নানা জায়গা থেকে সংগৃহীত করা হত বা কোনো দক্ষ কথক চুণী রচনা করতেন। কথকের শিয়রা সেই সাট বা চুণী অনুসারে আসর জমাতেন। গদ্যধরের সাট রচনা অঞ্চলে প্রচলিত, আবার রামধনের সাট কলকাতা ও চব্বিশ পরগণা অঞ্চলে জনপ্রিয় ছিল।

নানারকমের চুণী আমরা সংকলিত করেছি। লম্বা লম্বা চুণীতে নানা ধরনের চিত্র আছে। আবার নারীরাপের বিবৃতিতে প্রাথমিক উপমাগুলির 'অনুপ্রাসিত সমাবেশ' লক্ষণীয়। সংস্কৃতের ঢঙে বাংলা পদ্যও চুণী রূপে ব্যবহৃত হত। উনিশ শতকে চুণী ছাড়া কথকতা করার কথা ভাবা যেত না। এইগুলি মূল আখ্যানের অংশ নয়। অনেক সময় টুকরো কাগজে আলাদাভাবে লেখা হত।

যে কোনো শিল্পীর চাই স্বীকৃতি ও প্রচার। মানপত্র বা কার্ড-এর নমুনা সেই কারণে পেশ করেছি।

কিছু-কিছু কথক নামকরা, তাঁদের প্রসঙ্গে ছড়িয়ে ছিটিয়ে আছে নানা তথ্য। আবার কাকুর নাম জানি, আর কিছুই জানি না। নামকরা ও অনামী সবাই মিলেই কিন্তু কথকতার ধারাকে পুষ্ট করেছেন। তাই আমরা সাধ্যমতো পাঠক ও কথকের নামের তালিকা তৈরি করলাম। অনেকে বাদ পড়লেন। কারণ আমাদের অজ্ঞতা। অনেকের সম্পর্কে বোধ হয় আরো কিছু খবর পাওয়া যেত, দিতে পারলাম না। সেজন্তও দায়ী আমাদের অক্ষমতা। আমরা প্রত্যেকটি ক্ষেত্রে খুঁটিয়ে দেখেছি—বলা

যায় না। গোবিন্দ অধিকারী কি কথকতা করতেন? বলা মুশকিল। হুতোমের হলধর পঞ্চানন কে? অরুণ নাগ মহাশয় পর্যন্ত হুদিস দিতে পারেননি। অনেক সময় সূত্র হারিয়ে গেছে। যেমন, ধরণীধর সম্পর্কে আরো জানার ইচ্ছা ছিল। তাঁর প্রপৌত্র শ্রী অলোক বন্দ্যোপাধ্যায় আশ্রাণ চেষ্টা সত্ত্বেও ধরণীধরের শিষ্যদের সন্ধান দিতে পারেননি। ভিটের সঙ্গে তাঁদের পরিবারের সম্পর্ক অনেকদিন ছিন্ন হয়েছে। ক্ষেত্রনাথ কথক থাকতেন বাগবাজারে, শেষে মারা যান কাশীতে। আর কিছু জানতে পারিনি। বরাহনগরের কুঠিঘাটে 'ঠাকুরদা' বা নারায়ণ দাস বন্দ্যোপাধ্যায়ের বংশধররা আছেন, সম্পত্তিও ভোগ করছেন। পূর্বপুরুষের কোনো খবর তাঁরা রাখেন না। আর বাংলাদেশে তো আমরা সেরকম কোনো অনুসন্ধানই করিনি। আমাদের তালিকাটি নিতান্ত অসম্পূর্ণ। তবু কোথাও একটা আরম্ভ করতে হবে, এই ভরসায় তালিকাটি করা। অন্তরা নিশ্চয় সবকিছু শুধরে দেবেন।

ক. দীনবন্ধু মিত্রের চোখে কথক

পরিপাটী বংশবাটী স্থান মনোহর,
যে দিকে তাকাই, দেখি সকলি সুন্দর,

বিদ্যা বিশারদ কত পণ্ডিতের বাস,
সুদূরগেবে শাস্ত্রালাপ করে বার মাস।

এই স্থলে জন্মেছিল শ্রীধর রতন,
কথককুলের কেতু কাণ্ডনবরণ;
সুভাবে রচিত কত গীত মধুময়

শুনিলে আনন্দে নাচে লোকের হৃদয়;
অকালে কালের কোলে পড়িল সুজন,
কাঁদিল কামিনী, কন্যা, কবি, বন্ধুগণ।...

ভদ্রজন বাসস্থান গরিফা, নৈহাটী

ভাটপাড়া, যথা চতুপাটী পরিপাটী,
পণ্ডিতমণ্ডলী করে শাস্ত্র আলাপন,

ব্যাকরণ ন্যায়স্মৃতি ষড়্ দরশন।

এইস্থানে রামধন কথকরতন
কলকণ্ঠ কলে কল করিত কলন,

সুদল্লিত পদাবলী বিরচিত তাঁর, সকল কথক স্বেচ্ছা করিছে বিহার।

[—সুদ্রধনীর কাব্য (১৮৭১)। দীনবন্ধু রচনাসংগ্রহ, সাক্ষরতা প্রকাশন, কলিকাতা, ১৯৭৩, ৪৮৪ ও ৪৯০।]

খ. ঈশ্বরচন্দ্র বিদ্যাসাগরের লেখায় কথক

কিছু কাল পূর্বে, এই পরম পবিত্র গোড়দেশে কৃষ্ণহরি শিরোমণি নামে, এক সুপণ্ডিত অতি প্রসিদ্ধ কথক আবির্ভূত হইয়াছিলেন। বাঁহারা তাঁহার কথা শুনিতেন, সকলেই মোহিত হইতেন। এক মধ্যবয়স্কা বিধবা নারী, প্রত্যহ, তাঁহার কথা শুনিতেন। কথ্য শুনিয়া, এত মোহিত হইয়াছিলেন, যে তিনি, অবশ্যে, সন্ধ্যার পর, তাঁহার বাসায় গিয়া, তদীয় পরিচর্যা নিযুক্ত থাকিতেন। ক্রমে ক্রমে ঘনিষ্ঠতা জন্মিয়া, অবশেষে, ঐ বিধবা রমণী গুণগণি শিরোমণি মহাশয়ের প্রকৃত সেবাদাসী হইয়া পড়িলেন।

এক দিন, শিরোমণি মহাশয়, ব্যাসাসনে আসীন হইয়া, শ্রীজাতির ব্যাভিচারবিষয়ে অশেষবিধ দোষ কীর্তন করিয়া, পরিশেষে কহিয়াছিলেন, ‘যে নারী পরপদ্রুমে উপগতা হয়, নরকে গিয়া, তাহাকে, অনন্তকাল, যৎপরোনাস্তি শাস্তিভোগ করিতে হয়। নরকে এক লৌহময় শাল্মলি বৃক্ষ আছে। তাহার শঙ্খদেশ, অতি তীক্ষ্ণগ্রন্থ দীর্ঘ কণ্টকে পরিপূর্ণ। যমদূতেরা, ব্যাভিচারিণীকে, সেই ভয়ঙ্কর শাল্মলি বৃক্ষের নিকটে লইয়া গিয়া, বলে, তুমি, জীবদ্দশায়, প্রাণাধিকারি উপপাতিকে, নিরতিশয় প্রেমভরে, ঘেরূপ গাঢ় আলিঙ্গন করিতে; এক্ষণে, এই শাল্মলি বৃক্ষকে, উপপতি ভাবিয়া, সেইরূপ গাঢ় আলিঙ্গন কর। সে ভয়ে অগ্রসর হইতে না পারিলে, যমদূতেরা, যথাবিহিত প্রহার ও যথোচিত তিরস্কার করিয়া, বলপূর্বক, তাহাকে আলিঙ্গন করায়; তাহার সর্ব শরীর ক্ষতবিক্ষত হইয়া যায়; অবিশ্রান্ত শোণিতপ্রাব হইতে থাকে; সে, যাতনায় অস্থির ও মৃতপ্রায় হইয়া, অতিকরুণ স্বরে, বিলাপ, পরিতাপ, ও অনুতাপ করিতে থাকে। এই সমস্ত অনুধাবন করিয়া, কোনও শ্রীলোকেরই, আকীর্ণকর, ক্ষণিক সুখের অভিলাষে, পরপদ্রুমে উপগতা হওয়া উচিত নহে’ ইত্যাদি।

ব্যাভিচারিণীর ভয়ানক শাস্তিভোগবৃত্তান্ত শ্রবণে, কথকচুড়ামণি শিরোমণি মহাশয়ের সেবাদাসী, ভয়ে ও বিস্ময়ে অভিভূত হইয়া, প্রতিজ্ঞা করিলেন, ‘যাহা করিয়াছি, তাহার আরা চারা নাই, অতঃপর, আর আমি, প্রাণান্তেও পরপদ্রুমে উপগতা হইব না।’ সেই দিন, সন্ধ্যার পর, তিনি, পূর্ববৎ, শিরোমণি মহাশয়ের আবাসে উপস্থিত হইয়া, যথাবৎ আর আর পরিচর্যা করিলেন; কিন্তু, অন্যান্য দিবসের মত, তাঁহার চরণসেবার জন্য, যথাসময়ে, তদীয় শয়নগৃহে প্রবেশ করিলেন না।

শিরোমণি মহাশয়, ক্লিষ্টকণ্ঠে, অপেক্ষা করিলেন; অবশেষে, বিলম্ব দর্শনে, অধৈর্য হইয়া তাঁহার নামগ্রহণপূর্বক, বারংবার আহ্বান করিতে লাগিলেন। সেবাদাসী, গৃহমধ্যে

প্রবিশ্ট না হইয়া, দ্বারদেশে দণ্ডায়মান রহিলেন; এবং, গলবস্ত্র ও কৃতাজলি হইয়া, গলদগ্ধ লোচনে, শোকাকুল বচনে কহিলেন, ‘প্রভো! কৃপা করিয়া, আমার ক্ষমা করুন।’ সিমূল গাছের উপাখ্যান শুনিয়া, আমি ভয়ে মরিয়া রহিয়াছি; আপনকার চরণসেবা করিতে, আর আমার, কোনও মতে, প্রবৃত্তি ও সাহস হইতেছে না। না জানিয়া যাহা করিয়াছি, তাহা হইতে কেমন করিয়া নিস্তার পাইব, সেই ভাবনায় অস্থির হইয়াছি।’ সেবাদাসীর কথা শুনিয়া, পণ্ডিতচুড়ামণি শিরোমণি মহাশয় শয্যা হইতে গাত্ৰোত্থান করিলেন; এবং দ্বারদেশে আসিয়া, সেবাদাসীর হস্তে ধরিয়া, সহাস্য মুখে কহিলেন, ‘আরে পাগলি! তুমি এই ভয়ে আজ শয্যায় বাইতেছ না? আমরা, পূর্বাপর, যেরূপ বলিয়া আসিতেছি, আজও সেইরূপ বলিয়াছি। সিমূল গাছ, পূর্বে, ঐরূপ ভয়ঙ্কর ছিল যথার্থ বটে; কিন্তু, শরীরের ঘর্ষণে ঘর্ষণে, লৌহময় কণ্টকসকল ক্রমে ক্ষয় পাওয়াতে সিমূল গাছ তেল হইয়া গিয়াছে; এখন, আলিঙ্গন করিলে, সর্ব শরীর শীতল ও প্ৰদলকিত হয়।’ এই বলিয়া, অভয়প্রদান ও প্রলোভনপ্রদর্শনপূর্বক, শয্যায় লইয়া গিয়া, গুণমণি শিরোমণি মহাশয় তাঁহাকে, পূর্ববৎ, চরণসেবায় প্রবৃত্ত করিলেন। ...

সন ১২৯১ সাল। (১৮৮৪)

২৫ আশ্বিন।

[—ব্রজবিলাস, দ্বিতীয় সংস্করণের বিজ্ঞাপন/বিদ্যাসাগর রচনা সংগ্রহ, দ্বিতীয় খণ্ড, স্বাক্ষরতা প্রকাশন, কলিকাতা, ১৯৭২, ৪৫৪-৪৫৫।]

গ. একজন কথকের হিসাবের খাতার এক পাতা। (১৮৩৪)

৭ শ্রীশ্রীহারঃ—

সন ১২৪১ সাল—

বিতারিখ ১৪ কার্তিক—

শুভারম্ভঃ—

একজায় সুদূরল্যায় কথকতার জমা খরচ—

জমা—

খরচ—

নিজ দং জমা— ১/০

১৮ রোজ দ্রাব্যদ্বিতীয়া

খেওয়ার খরচ—১/০

গদঃ কৃষ্ণদ্বানী আশীর্বাদী—১০

১৮ রোজ জীবনকৃষ্ণ ঘোষ—১০

পলা—১০

১৫ কার্তিক বাসার—

শিবগুরুদ্বর ধূতি খরিদ—১/০

যজ্ঞমান রামমোহন সিংহ—১

জীবনকৃষ্ণ ঘোষ দেন—

গদঃ গোস্বামী কাত—১

১ বাটী ১ ধূতি—১০

জমা—

খরচ—

উপরি—১০	১০
২০ রোজ—	
নিজ—১০	
উপরি—১০	১১০

২১ রোজ—	
নিজ—১১০	১১০

৩১১/০

২২ রোজ কামাই—	
২৪ রোজ শিব বিবাহ—	
বাটি ১ খানি ১ রিকাবী ১ খানি	
কা নিজ—১১০	১১০

২৪ রোজ ধুব চং—১	
নিজ—১০	
উপরি—১০	

২৮ প্রহ্লাদ চং—১১০	
নিজ—১০	
উপরি—১০	

৫১/০

বাদ খরচ—	৪১১/০
বাকী তং—	১/০
বাদ খরচ ৩০ রোজ—	১/০

২৯ রোজ বালি বামন—	
আপকরা ১টী—	
বস্ত্র গামছা ২ খানি—	
চালদ—১১০ কাঠা	

নিজ দং ফোর—	১১০
দুই ভ্রাতা—	১১০

উপরি—	১১
দফে উ—	১০

৩০ রোজ নিজ—	১১০
	১০

২১

২২ রোজ রাণীপদ্রের—	
গদুঃ হরিনারায়ণ দত্ত—১	
বাটী পাঠাই—	
কলা—১	

১১১/০

২৯ রোজ কান্ধি দং—	
হুকা কাপড় খরিদ—	
গদুঃ নন্দমোহন সিংহ—	১/০
ধুতি ১১০ চাদর ১১০ এং ৩	

৪১১/০

৩০ রোজ শ্রীশিবগদুঃ ভং ১/	
বাটী লই যান ১/	

৫১১/০

জমা পয়সা—১১০	
১১ রোজ অগ্রহায়ণ—	
তুলসীমালা খরিদ—১৫	
গন্ধী গদুঃ গঙ্গানারায়ণ—	
মিসি খরিদ—১০	
কাহার বেগারের খরচ—	
১৯। ২১ রোজ—	
জসত কাহার দিগর— ১০	
গ্রীসার্থক ও গ্রীকাসী ঘলদুই—	
ইলাম—	১/০

মূলো খরিদ—	
শুদ্রদুলিয়া পাঠাই—	
বঃ জীবনকৃষ্ণ ঘোষ—	
১১০ কাত ১২ টা ১১০	

২২ রোজ—	
নাঃ ১২ কার্তিকের—	
দুঃখের দেনা শোধ—	
গদুঃ গোপবধু—	
পয়সা—	১/১০

জমা—	
১ অগ্রহায়ণ—	
নিজ—১০	১০
২ রোজানপ্রাশন	১০
থাল ১ খান বস্ত্র ১ জোড়—	
নিজ নগদ—	১০
ব্রজমোহন—	১০
৩ রোজ নিজ—১০	১০
উদখল ধং—	
৪ রোজ নিজ নিজ—১০	১০
৫ রোজ নিজ—১০	১০
৩ রোজ নিজ ১০—	১০
	৪১০

ইত্যাদি

খরচ—	
ডালা খরিদ—	
গদ্বঃ বেহানী—	১০
	১১২/১০
২৪ রোজ—	
জুতা খরিদ—	
২ জোড় কাত—	১১০
হাট খরচ—	১/৫

ইত্যাদি

[—চিঠিপত্রে সমাজচিত্র, দ্বিতীয় খণ্ড, (পঞ্চানন মণ্ডল সম্পাদিত), বিশ্বভারতী, ১৯৫০, ৮৯-৯০।]

খ. চুর্ণী বা সাঁচ

(নানা বিষয়ে সাজানো ছকে ফেলা বর্ণনা)

শিবের বর্ণনা :

রজত কলেবর সুজুট কলাপকুসুম পরিপূরিত নিজের গণ পুরুষের নগরনাগরীগণ গন্ধর্ব্ববাসরসো গণসেবিত ভূতপ্রমথগণবেষ্টিত হর বিশ্বের গঙ্গাধর ডিঙিডম করভ্রমভূষিত কলেবর কিবা মন্তকোপরি জটাজুট কালকটু বিষোন্দন মন্তফণিরাজ বিরচিত বিল্লপত্র দ্রোণ পদ্মপচ্ছটা তদুপরি কৃত্তন্য তরণী সুরধনী মনোহারিণীঃ তদধঃ কষায় রত্নপালা কবিত সূপক্ষাচ্ছাদিত ঢুলু ২ ঘোরতর চণ্ডলতার বনয়াদ্রীকঃ করধৃতঃ ডমরুরবঃ রামরামবারিত মদোন্মদা কাটিবন্ত সর্পডোর বিবিধাঙ্গল পরিধেয় ব্যাঘ্রচর্মসজ্জিত গান তান মান বিসানভান করতাল বররক্ষা রামনামোচ্চারণ করিতেছেন।

[কথকতার পাতড়া, বিশ্বভারতী সংগ্রহ, ৫০৬৯]

নারদ বর্ণনা :

কিবা প্রাতংকালোমিত রবিমণ্ডলনককৃত মর্দু শোভা কিবা স্বাস্তোস্তমঙ্গ স্থিত

জটা ঘটা ছটাতে করে দি'বদিক স্থিতান্ধকারধক সন পূর্বক আপা'ডরা জটা পাটলা লম্বমানা আগম্ফ পর্যন্ত আবক শ্মশ্রুভার বিরাজিত নাভিদেশ কিবা আজান্দুলম্বিত বাহুদ্বগল প্রোচ কদম্বকুসুম শম শরীরধ্বজ বজ্রাঙ্কুশাদি শ্রীকৃষ্ণচরণতল তুলসিমালায় লম্বিত হরিচন্দ্র নামাঙ্কিত কলেবর বিশুদ্ধ বক্ষস্থল গোপিচন্দন বিলিখিত শ্রীকৃষ্ণ-নামাঙ্কিত কলেবর গ্রিতস্ত্রী বীণা স্কন্দাবলম্বিনী তাতে ॥

[কথকতার পুঁথি (শ্রীমদ্ভাগবত), ২৭৮৩/১৩
বরাহনগর পাঠবাড়ী । রামপদ ভট্টাচার্যের পুস্তক ।
শ্রবণ ১২৯০ [১৮৮৩] ২৩শে আশ্বিন সপ্তমি পূজা
আরম্ভকালে সমাপ্ত]

বলরাম বর্ণনা :

কিবা মহাবল পরাক্রম বলরামচন্দ্র চন্দ্রকান্ত মণিকান্ত বিনিন্দিত রজতপর্বত শ্বেত-শরীর অতি সুদীর্ঘ গভীর ধীরবেশ কটিদেশোপরি পরিবেষ্টিত পরিধিতা পরিষ্কৃত নবীন নীল নীরদ সম্পদ তিরস্কৃত নীলপট্ট বস্ত্রাঞ্চল অমল কমল পদতলে পর্যন্ত আন্দোলিত হতেছে । যেন হলাকব'গভীত যমুনা শরণগত হয়্যা সর্বদা পাদপদ্মে পতিত হয়্যা রয়েছেন । কিবা সুবলিতা জানন্দলম্বিত করিশিশু শৃঙ্গদর্শিত প্রকাণ্ড বাহুদ'ড মণ্ডলাকৃতি বলয় প্রভৃতি মণ্ডলমণ্ডিত নানাস্বর্ণভরণস্ফূরিত বামস্কন্ধোপরি-পরিপাটী মণিমাণিক্যযুক্ত শৃঙ্গজার অঙ্গধনি শ্রবণমাত্র গ্রিজগৎ মোহিত হইতেছে । ইত্যাদি

[বোলপুত্রের ১২ মাইল পূর্বে গোপার্ভিহ নিবাসী ঐশ্বজপদ সরকারের পুঁথি সংগ্রহ থেকে উদ্ধৃত । লিপিকার ও লিপিকাল অজ্ঞাত । সূত্র: অমলেন্দু মিত্র, 'কথকতা', কথাসাহিত্য, আষাঢ়, ১৩৬৩, ৭ম বর্ষ । ৭৭৩-৭৭৪]

ভিন্ন কোনো কথকের এক বিষয়ে ভিন্ন চর্চা থাকে । রাঢ় অঞ্চলের অন্য এক কথকের বলরাম রূপ বর্ণন :

শারদীয় চন্দ্রপ্রভামণ্ডল মণ্ডিত চমৎকৃত রূপলাবণ্য কোমলাঙ্গি সুকোমলরূপ যুগল-শোভা আক'শ শ্রমমণ্ডিত গজমৌক্তিক হাটক হিরক চরণারবিন্দ স্নেহ শোভিতৈক নুপু'র রমণীয় বাজিতো রুদ্র জুগোনন্দ মৃগেন্দ্রনিন্দিত ক্ষীণকটিতট সন্তুত তমালনিল দুকুলোদ্ধ গুরুতর গভীরনাভি সরোরূহ গ্রিবলি বিরাজি দ্ব্যতিশয় বিশালবক্ষস্থলা... বিপুল বলয় বিনশিত বাহুদ্বগলা প্রকাশিত করকমলম্বয় বামপাণিতলধৃত বারুণী মৃদিতমদ বিঘ্নিতান সবিষদলোল ভ্রমর ভূষিতা মৃদুমণ্ডল মৃদু ২ মধুর মন্দ হাস্য প্রকাশিতা

[কথকতার পাতড়া, বিশ্বভারতী সংগ্রহ, ৫০৫৫-৫০৬২]

নায়িকা বর্ণনা বা কামিনী বর্ণনা :

পরম কামিনী যুবজন মনোহারিণী রত্নরস বিলাসিনী খেলিত খঞ্জন গর্বগঞ্জন নয়না

কোমলা কিশোরী ভ্রূভঙ্গরঙ্গে মদনতরঙ্গে সমাকুলা হাবভাব লাভ্যাগতি রূপবতী গুণবতী ॥ যুবতী অতিশয়রসিকা কনকলতিকা তিলপদ্মোপাঙ্গনাসিকা মদন্তাপংক্তি বিনিন্দিত দন্তপংক্তি শোভা নাসাগ্রে গজমুস্তান্দোলায়মানা সূকেশা সূবেসা সুভাষা সূনাসা ভব্যা সভ্যা নব্যা নিবীড় নিতম্বা পঙ্কবিস্বধরোষ্ঠা মণিময়ভূষণ ভূষিতাঙ্গয়িটু ললাটোত প্রথমসিন্দুরবিন্দু তল্লিকটভাগে চন্দনবিন্দু তল্লিকটভাগে কজ্জলবিন্দু তৎ পশ্চাৎ হরিতালবিন্দু শোভা পেতেছে ।

[একই কথক আবার এক বিষয়ের উপর ভিন্ন শব্দে চুণী লিখেছেন । যেটা যখন যৎসই মনে হবে সেটা পড়া যাবে ।]

কামিনী বর্ণনা :

ফুৎ [?] সিত করিকর চরণাপিত শিঞ্জন মণিময় নুপদ্বাদ্যভর নাতিশয় বিপদল নিবিড় নিতম্ব ॥ ক্ষিণ মধ্যদেশাপিত কাঞ্চন জঘনলগ্ন মগ্ন বাতান্দোলায়মানা তদুপরি ত্রিবলীশোভা কিবা করিকরকুন্ত বিনিন্দিত স্তনভারানন্ত মধ্যদেশ যেন ভেঙ্গে ২ পড়িতেছে । কিবা শিরীষকুসুম কোমল মৃণালায়ত বাহুযুগল তাতে স্বর্ণমণিময় বলয়ঙ্গুরিরকাদি শোভা কিবা খঞ্জন গঞ্জন যুবজনরঞ্জন নয়নাপাঙ্গ ॥ রীক্ষণ স্মিতোৎ-ফুল্লানিভমুখ পঙ্কবিস্ববিড়ম্বিতোষ্ঠা ধরান্তবর্তি দর্শনশোভা তাতে কৃষ্ণবর্ণরেখা কিবা তিলকুসুমনিন্দিত নাসাগ্রে গজমুস্তান্দোলায়মানা কিবা কন্দর্পকোদণ্ড দর্পখর্ষিকৃত ভ্রূভঙ্গভঙ্গি যেন নৃত্য করিতেছে । তন্মধ্যে রাহুপম কজ্জলবিন্দু পারিচন্দ্রমণ্ডল বিড়ম্বিত চন্দনবিন্দু তদুপরে মুস্তাবলক ঝলমলিকৃত স্বর্ণপাত্র ॥ কোপরি শোভিতালক শ্রেণী চমরীচামর চমৎকৃত চিকুরাবেষ্টিতা মল্লিকা মাল্যভূষণা গজেন্দ্রগমনা কোকিলবচনা সহাস্যবদনা পরমকামিনী সভ্যভব্যা ঝর ২ শব্দে আগমন করিতেছে ।

[কথকতার পুঁথি, শ্রীমন্তাগবত,
শ্রী রামপদ ভট্টাচার্য, পূর্বোক্ত]

বর্ষার রূপকথন :

দেবরাজ প্রেরিত গভির ঘোর ঘনরব মেঘগর্জিত ঈশান দিগঙ্গন সৌদামিনী জলমালা স্থকিত চকিত প্রকাশীকৃত দিনকর নিকর কিরণছবি প্রকাশ নিবিড় মেদুরচ্ছনাবৃত্ত তিমিরকলাপ দিগঙ্গন্তর করিবর বিপদলকরনিকর সমাসার শীকর কদম্বকরকাদি পতনানুপযুতা মহীপূর্ব দিগঙ্গ নাগন্তাতি খরতরবেগাম্বুদগাযুস্তা পবনসণ্ডালিত নমিত বিটপী বিটপ দোদুল্যমান তরুপল্লব শাখাপ্রশাখা বিহগগণ শীতাতর্কস্পিত কলেবর নিবীড় বৃক্ষশাখাস্থিত নিগ্ধশব্দ নিজ নিজ নীড়স্থিত রুগ্নহৃদয় ডিম্বশাবকোপরি নিজহৃদয় কলেবর সংযোগে বিজোগাকুল পঙ্কবিস্তৃতাচ্ছাদিত শাবকোদিত পূর্বদিগন্তর দেদীপ্যমান শক্লধনুঃ শোভিত নভোমণ্ডল কাদম্বিনী সৌদামিনী চণ্ডলো তদর্শনোব্বেজিতাত্তোকরণ মন্ত করিবরা রোহনকৃত দেবেন্দ্র নিজায়ুধ ॥ বজ্র নিপেশাচিত ইরমদম্পর্শিত পাতিত কণাসমূহ গর্জিত বজ্রপতন ভয়ানক ধ্বনি শ্রবণকারণ সভয়চকিতা নয়নো ব্বেজিত

পান্থজন পক্ষিগণ গান [sic] প্রমাদ বিশিষ্টকট দ্রাসিত এককালীন কুহু কুহু কলরব চিচিকুচি ধ্বনি করিতেছে ॥ শ্রী রামপদ ভট্টাচার্য ॥

[সূত্র : ঐ]

নিশিবের্ণনা :

ঘোরা যামিনী, নিবিড় গাঢ় তমস্বিনী, শান্তা নালিনী কুমুদগন্ধামোদিনী, পৃথিবীঝল্লী-রবোন্মাদিনী, বিহগরবক্ষণবিধ্বংসিনী, নক্ষত্রনিকরজালমালব্যপ্তা যামিনী সভলচকিত নয়না কামিনী মনোনায়ক নিকটভিসারিকা নায়িকাগণ ক্ষণ ক্ষণ দিগভ্রাস্তাদিজন্য স্থগিত চকিত গতি কণ্ঠে সৃষ্টে গমন করিতেছেন। ব্যাঘ্র, ভল্লুক, ভয়ানক জন্তুসমূহ ভোজনাদ্যার্থ গমন করিতেছে। প্রতি যামে যামে জাগ্রতভট ঘোর কঠোর চীৎকারধ্বনি প্রবোধিত কান্তাকান্ত প্রবেশিত হৃদয় সজ্জ্বলিত ভঙ্গ বিভঙ্গ দ্বারা গাঢ়ালঙ্গনে মনোহরণ-পূর্বক পদনির্দ্ভাবিষ্ট হইতেছেন।

[সূত্র : Dinesh Chandra Sen, *History of Bengali Language and Literature*, Calcutta, 1911, 686]

রাজার ঘৃনোদ্যম :

পুণ্যবান দানবান জ্ঞানবান ধনবান কলাবান কুলবান শিলবান ফালবান বলবান রূপবান কৃপাবান কলাপবান ক্রিয়াবান মায়াবান ভোগবান ভগবান যোগবান লক্ষ্মীবান বিদ্যাবান সত্যবান দয়াবান এবস্তূত রাজার প্রতাপে সপ্তসাগর পর্যন্ত আন্দোলয়মানা অতি চমৎকৃত গাড় পাল্পপূর্ণ রঙ্গধূলি অঙ্গে লেপনকে করে বাহুদ্রাফালনেতে পশ্চ্যত সকল ঘূর্ণ-অমান করিতেছেন। পছাতে ঢালি সকলেতে লক্ষ্যবাক্ষ খণ্ডগাবলম্বনপূর্বক মাস্মার শব্দ উচ্চরণ করে গমনকে করিতেছেন ও খিজি চর্ম রক্ষি রথী সুলী দ্রিসুলীধারি পূর্ববর্তি নানা অন্ত ধারণকে করে সন্য সকল গমন করিতেছেন।

... সর্গ্য রূপ্য স্ফটিক মরকত মৃদুমাণিক্য প্রবালেতে খচিত সেনা নানা অন্ত ধারণ করে গমন করিতেছেন। বানে বানে পুঙ্খানুপুঙ্খ সূর্যের কিরণাঘ্ন্য ধন্য অন্ধকার উরুভুজ-চরণাদি খণ্ড খণ্ড বিপক্ষ পক্ষ সেনা পরাশ্রয় পলায়মানা তাতমাত ভ্রাতর দ্বাহিতর মায়াতুল জলংদেহি পিবারিহ পপাতচ মমরচ।

[রতন লাইব্রেরির সংরক্ষিত পুঁথি থেকে সংগৃহীত,
সূত্র : Siva Ratan Mitra, *Types, of Early Bengali Prose*, Calcutta, 1922, 146]

সন্দেশ বর্ণনা :

গোণ্ডা গোণ্ডা চ মোণ্ডা মধু মনোহরা শূদ্রতান্তি জিলাপী।

গোল্লা খাজা চ খণ্ডা নিখুঁতি চ বরফি ক্ষীরতন্তি মতিচূর।

খুর্মা ছাবা চ পেড়া রসঘূত গেঁদড়ী স্বর্ণপাত্রে চকুরী।

সর্বে ক্ষীরান্তভুক্তা রসকর বৃন্দিয়া হেমপাত্রে চ বারী ॥

ভুক্তা পীত্বা চ নীত্বা নিজ নিজ বসনে ভূরিভারং স্বহস্তে ।

দত্তা নীত্বা চ পাত্রং দধ্যাপি গৃহীতং দেহি দেহীতু বাচে ॥

[নবম্বীপ কৃষ্ণনগর অঞ্চলের কথকতার পদ্ধতি, কাল ও লিপিকর অঙ্গত। সূত্র : হরিপদ চক্রবর্তী, 'কথকতার পদ্ধতি', সুবর্ণলেখা, আশুতোষ ভট্টাচার্য ও অসিতকুমার বন্দ্যোপাধ্যায় সম্পাদিত, কলিকাতা বিশ্ববিদ্যালয়, ১৯৭৪, ৬৯০]

ঙ. মানপত্রের অংশবিশেষ

বৈদ্যনাথধামের অধিবাসীবৃন্দের অভিনন্দনপত্র । ১৩৪৬ । পৌষসংক্রান্তি ।

অভিনন্দন পত্রের সম্বোধন অংশ ।

ভাগবতশ্রী শ্রীমতি ক্ষান্তিলতাদেবী, ভাগবতসীমন্তিনী, ভাগবত বিনোদিনী ভক্তি বিভূষণা ভাগবতভারতী মহোদয়ার করকমলে !

ভদ্রে !

আপনি যখন শতশত ভক্ত পরিবেষ্টিত হইয়া দিনের পর দিন ভাবে বিভোরা ও তন্ময়া হইয়া লীলারূপধারী পরমাত্মা নানা লীলাকাহিনী সুমিষ্ট ও পবিত্রভাষায় অনর্গল বলিয়া যান, তখন সেই সত্যযুগে ঋষিকন্যার চিত্র আমাদের মানসপটে উজ্জ্বলরূপে ফুটিয়া উঠে। 'সঙ্গে সঙ্গে সমস্ত, শ্রোতৃমণ্ডলীর হৃদয়ে হৃদয়ে বৈদিকযুগের শূদ্র-জ্যোতির স্নিগ্ধবিকাশ যথার্থরূপেই অনুভূত হয়।

উপনিষদ, বেদান্ত, পুরাণেতিহাস ও শ্রীশ্রীভাগবতের সারমর্ম এরূপ সুন্দর সুন্দরিত ও প্রাণপশর্ষি ভাষায় প্রকাশ করিতে আপনি সমর্থ যে, শ্রোতার সমস্ত চিত্তটুকু শ্রীভগবানের লীলামাধুর্যে ভুবিয়া আত্মহারা হইয়া যায় এবং প্রাচীন ভারতের শিক্ষাদীক্ষার কৌশল মহিমা প্রাণ উদ্ভাস্ত হইয়া উঠে।

কিন্তু হায় ! আজ ভারতের বড়ই দুর্দিন। ব্যাস, বশিষ্ঠ, বাল্মীকী, যাজ্ঞবল্ক্যের ভারত আর নাই। গার্গী, মৈত্রেয়ী, মদালসার ভারত আর নাই। আজ পাশ্চাত্য শিক্ষাদীক্ষার ও বর্তমানের যুগসভ্যতার নূতন ভারতের জাতীয় জীবন কণ্ঠধারহীন, দারুণ-ঝঞ্জাবাতাহত তরণীর ন্যায় প্রাচীনের বন্ধন ছিন্ন করিয়া অতলজলধিতলে নিমজ্জমান হইতে চলিয়াছে। আজ প্রাচীন ঋষিকুলের বিদ্যায় সুশিক্ষালাভ করিয়া ভারতের মর্মবাণী শুনাইবার জন্য আপনার এই অপূর্ব অভ্যুদয় আমরা সাদরে বরণ করিতেছি, এবং আপনার এই সর্বজনহিতকর লোকশিক্ষা পদ্ধতিকে আমরা সর্বান্তঃকরণে অনুমোদন করিতেছি।

আপনি সিদ্ধুর-সীমন্তিনী থাকিয়াও চিরায়ত্তমতী হইয়া সুস্থশরীরে দ্রাস্ত ভারতকে সত্যের আলোকদান করিয়া শান্তির পথে লইয়া চলুন, ইহাই ভগবৎসমীপে প্রার্থনা করি।

চ. পরিচয়জ্ঞাপক কার্ড

শ্রীরাম রাম রাম

‘জয়গুরু’

শ্রীদ্বিজরাজ বন্দ্যোপাধ্যায় (বেতার)

“রাম-গীতি চুড়ামণি”

“রাম-গীতি সুধাকর”

পোঃ—সোনামুখী (মনোহরতলা)

জেলা—বাঁকুড়া

পিন—৭২২ ২০৭

কথিকা-সম্রাজ্ঞী

শ্রীমতী ক্ষান্তিলতা দেবী


ভাগবত-ভারতী

C/o. শ্রীকুমুদবন্ধু পদুনাগরত্ন

ফটক গোড়া।

২৪ নন্দঘোষ লেন, (চন্দননগর) হুগলী

712136



ছ. উনিশ ও বিশ শতকে বাংলার বিশিষ্ট কথক ও পাঠকদের

নামাবলী :

বাঁশবেড়িয়া, হুগলী : উনিশ শতক : লালচাঁদ বিদ্যাভূষণ, শ্রীধর কথক, অতুল্য-চরণ ভট্টাচার্য। এঁরা সকলেই একই বংশে জন্ম নিয়েছিলেন। শ্রীধরের দ্রাতুপুত্র অতুল্যচরণ ভট্টাচার্য নিজে কথকতা করতেন। তাঁর কাছ থেকেই দুর্গাদাস লাহিড়ী শ্রীধরের গান সংগ্রহ করেন।

চন্দননগর, হুগলী : রঘুনাথ শিরোমণি চন্দননগরের শ্রেষ্ঠ কথক, শিক্ষক হিসাবেও সুপ্রসিদ্ধ। রামনাথ চট্টোপাধ্যায় তাঁর পুত্র, বিংশ শতকে পিতৃরীতি অনুযায়ী কথকতা করেন। গুরুচরণ গাঙ্গুলি, বৈণীমাধব গাঙ্গুলি, ননী কথক, অক্ষয়চন্দ্র অধিকারী, ভূতনাথ ভট্টাচার্য প্রভৃতি কথকও চন্দননগরে বাস করতেন। বিংশ শতকের গোড়ার দিকে প্রফুল্লচন্দ্র অধিকারী ও তমালচন্দ্র অধিকারী কথকতায় যশস্বী হয়েছিলেন।

উদ্ধব চুড়ামণির জন্ম অন্য জায়গায় (বাগনান বা ধনেখালি)। তাঁর কর্মক্ষেত্র অতিবাহিত হয় চন্দননগরে। রঘুনাথ শিরোমণির মতোই কথকতার শিক্ষক হিসাবে তিনি প্রসিদ্ধ ছিলেন। তাঁর মৃত্যু ১৯১৩ সালে।

ক্ষান্তিলতা দেবী ও তাঁর স্বামী কুমুদবন্ধুও বর্তমানে চন্দননগরে বাস করেন।

কোন্নগর, হুগলী : অধুনা মহিলা কথকী অধ্যাপিকা বাসন্তী চৌধুরীর বাসস্থান এই শহরে।

রাধানগর, আরামবাগ মহকুমা, হুগলী : উনিবিংশ শতকের শেষপাদে কথক গোপাল চুড়ামণি নিয়মিত আসর বসাতেন।

ফেলারাম বন্দ্যোপাধ্যায়



সোনামুখী, বাঁকুড়া : কথক রীতির অন্যতম আদি প্রবক্তা গদাধর শিরোমণির জন্মস্থান। আজও শ্রেষ্ঠ পেশাদার কথক পরিবারদের আবাস সোনামুখীতে। বিংশ শতকে ফেলারাম বন্দ্যোপাধ্যায় ও মৃত্যুঞ্জয় চক্রবর্তী, সোনামুখীর জনপ্রিয় কথক ছিলেন। বর্তমানে লছমন প্রসাদ চক্রবর্তী, রসময় বন্দ্যোপাধ্যায় ও শিবজরাজ বন্দ্যোপাধ্যায় পারিবারিক ঐতিহ্যের প্রতীক। অন্য কথক পরিবার হলেন ফকিরনাথ গগৈপাধ্যায় ও হেরম্বনাথ গগৈপাধ্যায়।

এঁরা গতায়ু। এঁদের বংশধর বিশ্বনাথ গগৈপাধ্যায় ও রাজকৃষ্ণ গগৈপাধ্যায় আজও কথকতা করেন। বিনোদবিহারী চট্টোপাধ্যায় সুকথক ছিলেন। লক্ষণীয় সোনামুখীতে মূলত রামায়ণী কথকতা হয়।

রাঢ়ের অন্য এলাকার কথক : উনিশ শতকের মাঝামাঝি সময়ে ঈশ্বরচন্দ্র দেবশর্মার পিতা কথক ছিলেন।

নীলকণ্ঠ দেবশর্মা নাম্বরের জগদ্বদুলভ ন্যায়ালঙ্কারের শ্যালিকাপদ্য ও রাইপদ্যে কথকতা করতেন। পদ্যের পদ্যপকা থেকে যে সব কথকের ও পাঠকের নাম এই অঞ্চলে পাওয়া যাচ্ছে, তাঁরা হলেন রামধন মন্ডল, রাধারমণ ঘোষ, বদন চন্দ্র মন্ডল, বেলে-তোড়ের হরিদাস বৈষ্ণব, শ্যামসুন্দর প্রমুখ। রামায়ণ পালা গায়ক ও কথক অবনী অধিকারী বর্তমানে শান্তিনিকেতনে থাকেন।

মুর্শিদাবাদ এলাকার কথক : ১৮৬২ সালে বেলডাঙায় প্রাণকৃষ্ণ চৌধুরীর পরিবারে রূপচাঁদ অধিকারী জন্মগ্রহণ করেন। কথকতা তাঁর পেশা ছিল। পরে কথকতাকে রূপান্তরিত করে তিনি চপ কীর্তনের প্রবর্তক হিসাবে খ্যাতনামা হন। মুর্শিদাবাদ বংরোয়া থানার কুঁকড়াঙ্গোল নিবাসী জীবনকৃষ্ণ চট্টোপাধ্যায়ও উচ্চুদরের কথক ছিলেন। কীর্তনীয়া ফটিক চৌধুরী তাঁর শিষ্য।

কলিকাতা, ২৪ পরগনা ও সন্নিক্ত এলাকার কথক : ঊনবিংশ শতকে খাঁটুরা-কুশদহ কথকতা রীতির বিশিষ্ট কেন্দ্র ছিল। উমাকান্ত শিরোমণি, রামধন তর্কবাগীশ ও এঁদের ভ্রাতুষ্পুত্র ধরণীধর বাংলাদেশের সেরা কথকদের মধ্যে পরিগণিত হতেন। চব্বিশ পরগণার কোদালিয়া নিবাসী অন্যতম প্রসিদ্ধ কথক ছিলেন কৃষ্ণহরি বা কৃষ্ণমোহন ভট্টাচার্য, তারাকুমার কবিরজের পিতা। পেশায় গদাধর শিরোমণির সঙ্গে তাঁর প্রতিযোগিতা ছিল। সময়কাল ঊনিশ শতকের প্রথমার্ধ।

ঠাকুর পরিবারের মাইনে করা পাঠক ছিলেন মহিম কথক, অবনীন্দ্রনাথ তাঁর কথা লিখেছেন। বাস্কমচন্দ্রের পরিচিত প্রিয়নাথ কথকের উপর প্রথম দায়িত্ব দেওয়া হয়েছিল ‘বন্দেমাতরম’ এর সুর দেওয়ার। বিংশ শতকের প্রথমপাদে বাগবাজারের ক্ষেত্রনাথ চুড়ামণির জনপ্রিয়তার তুলনা ছিল না। শ্যামপদকুরের কৃষ্ণ কথক-এর পাণ্ডিত্য ছিল কিন্তু বর্ণনার ভিগ্নে তিনি ক্ষেত্রনাথের কাছে হার মানতেন। তাঁদের সময়ে পাণ্ডিত হেমচন্দ্র কবিরজ ও নামকরা কথক ছিলেন।

কালীঘাটের গোপালচন্দ্র ভট্টাচার্য, খিদিরপুরের ক্ষীরোদচন্দ্র মুখোপাধ্যায়, আড়িয়াদহের নেপালচন্দ্র ভাগবত রত্নমহাশয় প্রভৃতি কথকদের নাম ঊনিশ শতকের শেষে ও বিংশ শতকের গোড়ায় উল্লিখিত হচ্ছে। রামকৃষ্ণ পরমহংসের পরিচিত বরাহনগর নিবাসী ঠাকুরদা বা নারায়ণ দাস বন্দ্যোপাধ্যায়ও এই সময়ের লোক। এই শতকের গোড়ায় মহানন্দ বন্দ্যোপাধ্যায় ও মোহন গোস্বামীপ্রভু কথকতা করতেন। বিংশ শতকের মাঝামাঝি সময়ে, ষাটের দশকে, চুঁচুড়া নিবাসী সীতারাম ভাগবতাচার্য ও ভাগবতী কথকতায় যশস্বী হয়েছিলেন।

পদ্যের পদ্যপকা থেকে আমরা ঊনিশ শতকের কিছু কথকের ও পাঠকের নাম পাই। শালিখার শ্রীমন্ত নাগ, ত্রৈলোক্য নাথ গঙ্গোপাধ্যায় রঙ্গপুত্রের মাণিকচন্দ্র ঠাকুর, বাবুন্ডার মতিলাল মদন বৈষ্ণবী, ইত্যাদি। পানিহাটি-বরাহনগর অঞ্চলে রামপদ ভট্টাচার্য কথক ছিলেন, তাঁর নামাঙ্কিত পদ্য পাওয়া গেছে। লক্ষণীয় যে পাঠক বংশানুক্রমিক

পদবি হিসাবে ব্যবহৃত হলেও ‘কথক’ বংশগত পদবিরূপে উল্লিখিত হয়নি। অবশ্য গ্রীধর কথক, ক্ষেত্র কথক ইত্যাদি পরিচিতির ডাক হিসাবে পরিগণিত হত। পেশা থেকে বংশগত পদবিতে রূপান্তর হবার সম্ভাবনা কথকের ছিল। কিন্তু তা হয়নি।

শান্তিপুত্র অঙ্গলের কথক :

মদনগোপাল গোস্বামী, রাধিকানাথ গোস্বামী, রাধাবিনোদ গোস্বামী, হরিশ্চন্দ্র গোস্বামী, তারণ গোস্বামী, মোহনলাল গোস্বামী, বীণাবল্লভ গোস্বামী, কিশোরীলাল বন্দ্যোপাধ্যায়, অনাদিনাথ চট্টোপাধ্যায় প্রমুখের নাম উল্লেখযোগ্য। আমাদের সূত্রে (কালীকৃষ্ণ ভট্টাচার্য, শান্তিপুত্র পরিচয়, ২য় খণ্ড ১৩৪৯, ১৯৭-১৯৮) পাঠক ও কথকদের নাম একসঙ্গে দেওয়া আছে। রাণাঘাট মাঝেরহাট এলাকার উপেন্দ্রনাথ ভট্টাচার্য উনিশ শতকের শেষ দশকে ও বিংশ শতকের প্রথমে (১৮৯৫-১৯১০) সরস বাকভাঙ্গি ও সুকণ্ঠের জন্য এই পেশায় পশার লাভ করেন।

পূর্ব বঙ্গের কথক :

উনিশ শতকে কৃষ্ণকমল গোস্বামীর জন্ম নদীয়া জেলার কিন্তু কর্মস্থল ঢাকায়। যাত্রাপালা রচনাতে তিনি প্রবাদপুত্ররূপে। কিন্তু তাঁর প্রকৃত পেশা ছিল কথকতা ও ভাগবত পাঠ। ফরিদপুর জেলার কাসাভোগের কৃষ্ণকান্ত পাঠক (১৮২১-১৮৯১) ও ঢাকা বিক্রমপুরের ফরুশাইল বা ফুল্লশালীর কালাচাঁদ বিদ্যালঙ্কার কথক হিসাবে উনিশ শতকে প্রভূত খ্যাতি অর্জন করেন। বিংশ শতকে ঢাকার ইছাপুরা গ্রামে থাকতেন উমাকান্ত পাঠক। উনিশ শতকে বিক্রমপুরের তেলরবাগ গ্রামের কথক ছিলেন গোলকচন্দ্র চক্রবর্তী। বিক্রমপুরের আর এক কথক বাসাইল গ্রাম নিবাসী রাখাল চন্দ্র গোস্বামী। ১৯৪৫ সালে ৭০ বছর বয়সে তাঁর মৃত্যু হয়। উনিবিংশ শতকের দ্বিতীয়ার্ধে কুষ্টিয়ায় মেহেরপুরের কালীনাথ ভট্টাচার্যের এই পেশায় বেশ নামডাক ছিল। বিক্রমপুরের বৈষ্ণবপ্রধান গ্রাম পঞ্চসারে চন্দ্রমোহন মহলানবিশ, ভাগবতাদি আখ্যানে কথকতা করে যশ অর্জন করেছিলেন।

ভাগবত-পাঠকের তালিকা :

উনিশ শতকের শেষে ও বিংশ শতকের গোড়ায় রঘুনাথ ভাগবতাচার্য ও শ্রীনিবাসাচার্যের ব্যাখ্যাবৃন্দ স্দল্লিত ভাগবত পাঠের ঐতিহ্যকে পুনর্নির্মিতর পথে নিয়ে যান প্রভুপাদ অতুলকৃষ্ণ গোস্বামী। পিতা মহেন্দ্রনাথ গোস্বামী প্রসিদ্ধ পাঠক ছিলেন। অতুলকৃষ্ণের শিষ্যদের মধ্যে প্রধান হলেন ঢাকার প্রভুপাদ প্রাণাকশোর গোস্বামী ও প্রাণগোপাল গোস্বামী। উনিবিংশ শতকের দ্বিতীয়ার্ধ ও বিংশ শতকের প্রথমপাদে বাংলাদেশে বিখ্যাত ভাগবত পাঠকদের মধ্যে কালিকাতার কেদারনাথ ভট্টাবিনোদ মহাশয়, বলাইচাঁদ গোস্বামী প্রভু, শিমুলিয়া নিবাসী শ্যামলাল গোস্বামী, হুগলীর নীলকান্ত গোস্বামী,

